



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU BOSANSKOHERCEGOVAČKE PODRINJSKE NARODNE STRANKE

Broj: 03-07-6-1549/09  
Sarajevo, 16.04. 2010. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI .....	5

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Bosanskohercegovačke podrinjske narodne stranke i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu našeg pregleda, odnosno kontrole finansijskog izvještaja, nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Bosanskohercegovačke podrinjske narodne stranke i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka podrinjska narodna stranka je iskazala prihode u iznosu od 26.840,00 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	2.990,00	11,14%
2	Prilozi fizičkih lica	8.500,00	31,67%
3	Prilozi pravnih lica	11.100,00	41,36%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	3.800,00	14,16%
7	Prihodi iz budžeta	450,00	1,68%
	<b>Ukupni prihodi:</b>	<b>26.840,00</b>	<b>100,00%</b>

U godišnjem finansijskom izvještaju Bosanskohercegovačka podrinjska narodna stranka je iskazala ukupne rashode u iznosu od 20.729,66 KM.

## 2. PREDSTAVLJANJE POLITIČKE STRANKE

Naziv političke stranke: Bosanskohercegovačka podrinjska narodna stranka.  
Skraćeni naziv stranke je BPNS.

Politička stranka je registrovana 14.05.2002. godine Rješenjem Kantonalnog suda u Sarajevu broj: R-I-7/02 pod nazivom Bosansko podrinjska narodna stranka sa sjedištem u Sarajevu.  
Promjena naziva stranke je izvršena 19.05.2008. godine u Općinskom sudu u Sarajevu, Rješenjem broj: 065-0-Reg-08-001614.

Sjedište političke stranke je u Sarajevu, Ul Džemala Bijedića br. 160

Za zastupanje stranke ovlašten je Seid Karić, predsjednik stranke.  
Lice ovlašteno za podnošenje finansijskih izvještaja za 2008. godinu je Javorka Rejc.

Prema podacima iz godišnjeg finansijskog izvještaja stranka nema niže nivoe organizovanja.<sup>1</sup>

---

<sup>1</sup> Obaviještenje BPNS Pr.br. 20-03/09 od 23.03.2009. godine da stranka ima samo centralu, a da je postojeće Kantonalne odbore ukinula, sa prilogom Obaviještenje Federalnog zavoda za statistiku BiH.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Bosanskohercegovačke podrinske narodne stranke za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Bosanskohercegovačka podrinska narodna stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole** finansijskih izvještaja Bosanskohercegovačke podrinske narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode od poklona i troškove predizborne kampanje.

### 4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja BPNS za 2006. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 4. stav (2), člana 6. i člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka. Za 2007. godinu izvršen je pregled godišnjeg finansijskog izvještaja i izdat je izvještaj sa mišljenjem revizora, nalazima i preporukom revizije da je stranka postupala suprotno odredbama člana 5. stav (1), člana 8. stav (1) i člana 11. stav (3) Zakona o finansiranju političkih stranaka.

#### **Realizovane preporuke:**

Stranka je realizovala preporuka date u izvještajima o pregledu za 2006. i 2007. godinu i svoje finansiranje je svela u okvir Zakona o finansiranju političkih stranaka.

### 5. NALAZI

Bosanskohercegovačka podrinska narodna stranka je dostavila finansijski izvještaj u skladu sa članom 11. stav (3) Zakona o finansiranju političkih stranaka i na obrascima propisanim Pravilnikom o godišnjim finansijskim izvještajima političkih partija.

#### **Troškovi predizborne kampanje**

Bosanskohercegovačka podrinska narodna stranka je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 640,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju

---

<sup>2</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne

birača koje je objavila Centralna izborna komisija BiH. Prema podacima Centralne izborne komisije – Bosanskohercegovačka podrinjska narodna stranka mogla je potrošiti 139.667,70 KM.

**KOMENTAR:**

U ostavljenom roku, Bosanskohercegovačka podrinjska narodna stranka se aktom od 07.04.2010. godine očitovala na Preliminarni izvještaj o pregledu godišnjeg finansijskog izvještaja za 2008. godinu. Obzirom da je primjedba stranke na nalaze revizije u smislu člana 8. stav (1) Zakona o finansiranju političkih stranaka, argumentovana, Služba za reviziju je uvažila primjedbu stranke, što je i ugrađeno u Konačni izvještaj o pregledu godišnjeg finansijskog izvještaja za 2008. godinu.

Mr.Hasida Gušić, šef Službe za reviziju

Nevenko Andan, revizor

Anela Burdžović –Kapić, pomoćnik revizora